

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება N 01-11/60

ქ. ბათუმი

30 აპრილი, 2018 წ.

„ბსუ-ს ტერიტორიაზე თამბაქოს მოწევის აკრძალვის, თამბაქოს მოწევასთან დაკავშირებით ჩადენილ სამართალდარღვევებზე რეაგირების და პასუხისმგებლობის ზომების განსაზღვრის წესის დამტკიცების შესახებ”

„უმაღლესი განათლების შესახებ” საქართველოს კანონის 23-ე და 24-ე მუხლების, თამბაქოს კონტროლის შესახებ კანონის მე-10 მუხლის, ბსუ-ს წესდების მე-15 მუხლების და წარმომადგენლობითი საბჭოს 2011 წლის 9 სექტემბრის N02 გადაწყვეტილებით დამტკიცებული შინაგანაწესის მე-11 მუხლის საფუძველზე

ვ ბ რ ძ ა ნ ე ბ

1. დამტკიცდეს „ბსუ-ს ტერიტორიაზე თამბაქოს მოწევის აკრძალვის, თამბაქოს მოწევასთან დაკავშირებით ჩადენილ სამართალდარღვევებზე რეაგირების და პასუხისმგებლობის ზომების განსაზღვრის წესი” დანართი № 1 - ის შესაბამისად.
2. ძალადაკარგულად იქნეს ცნობილი ბსუ-ს ადმინისტრაციის ხელმძღვანელის 2015 წლის 07 ოქტომბრის № 01-11/66 ბრძანება „უნივერსიტეტის ტერიტორიაზე თამბაქოს მოწევის აკრძალვასთან დაკავშირებით გასატარებელ ღონისძიებათა შესახებ”
3. ბრძანება სახელმძღვანელოდ გაეგზავნოს ბსუ-ს სტრუქტურულ ერთეულებს და განთავსდეს საინფორმაციო დაფებსა და ბსუ-ს ვებგვერდზე.
4. ბრძანება ამოქმედდეს 2018 წლის 1 მაისიდან.
5. ბრძანება შეიძლება გასაჩივრდეს ბათუმის საქალაქო სასამართლოში შემდეგ მისამართზე : ქ. ბათუმი , სტეფანე ზუბალაშვილის ქ. № 30.

ბსუ-ს ადმინისტრაციის ხელმძღვანელი



ჯემალ ანანიძე

ბსუ-ს ტერიტორიაზე თამბაქოს მოწვევის აკრძალვის, თამბაქოს მოწვევასთან დაკავშირებით ჩადენილ სამართალდარღვევებზე რეაგირების და პასუხისმგებლობის ზომების განსაზღვრის წესი

წინამდებარე წესი შემუშავებულია „უმალესი განათლების შესახებ“ საქართველოს კანონის მე-18, 23-ე და 24-ე მუხლების, თამბაქოს კონტროლის შესახებ კანონის მე-10 მუხლის, ბსუ-ს წესდების მე-10 და მე-15 მუხლების და წარმომადგენლობითი საბჭოს 2011 წლის 9 სექტემბრის N02 გადაწყვეტილების მე-11 მუხლის საფუძველზე.

**მუხლი 1.**

ა) თამბაქოს მოწვევა აკრძალულია ბსუ-ს კუთვნილ/ბალანსზე/სარგებლობაში არსებულ შენობა-ნაგებობებში და ტერიტორიაზე (მათ შორის ეზოში).

ბ) ბსუ-ს კუთვნილ/ბალანსზე/სარგებლობაში არსებულ შენობა-ნაგებობების ყველა სართულზე (დერეფნებში), მისაღებში, ეზოში და სხვა თვალსაჩინო ადგილებზე განთავსდეს შესაბამისი აკრძალვის აბრები (რომელზეც მოწვევის აკრძალვის ნიშანთან ერთად დატანილ იქნეს ინფორმაცია მოწვევისთვის დაწესებული სანქციების შესახებ და წარწერა: „მოწვევის შეწყვეტისთვის დარეკეთ: 116001, ზარი უფასო“), რომლის უზრუნველყოფაც დაევალოს ბსუ-ს მატერიალური რესურსების უზრუნველყოფის დეპარტამენტს.

**მუხლი 2.**

ბსუ-ს პერსონალი, მოწვეული სპეციალისტები/მასწავლებლები, სტუდენტები, პროფესიული საგანმანათლებლო პროგრამის სტუდენტები, უნივერსიტეტის მოკლევადიანი საგანმანათლებლო პროგრამების მსმენელები (შემდეგში მსმენელები) და ბსუ-ს ტერიტორიაზე შემომსვლელი სხვა პირები ვალდებული არიან დაემორჩილონ ბსუ-ში თამბაქოს მოწვევის აკრძალვასთან დაკავშირებით არსებულ წინამდებარე წესს.

**მუხლი 3.**

ბსუ-ს პერსონალის, მოწვეული სპეციალისტების/მასწავლებლების მიერ წინამდებარე წესის დარღვევა გამოიწვევს დისციპლინარული პასუხისმგებლობის შემდეგ სახეებს:

ა) სამართალდარღვევის ჩადენის პირველი შემთხვევისთვის შენიშვნას;

ბ) ოთხი თვის განმავლობაში იმავე პირის მიერ სამართალდარღვევის განმეორებით ჩადენის შემთხვევაში მის დაჯარიმებას 50 ლარის ოდენობით.

გ) წლის განმავლობაში იმავე პირის მიერ სამართალდარღვევის მესამედ ჩადენის შემთხვევაში მის დაჯარიმებას 100 ლარის ოდენობით;

ე) წლის განმავლობაში იმავე პირის მიერ სამართალდარღვევის მეოთხედ ჩადენის შემთხვევაში მასთან არსებული შრომითი ურთიერთობის შეწყვეტას;



#### მუხლი 4.

1. ბსუ-ს სტუდენტების, პროფესიული საგანმანათლებლო პროგრამის სტუდენტების და უნივერსიტეტის მოკლევადიანი საგანმანათლებლო პროგრამების მსმენელების მიერ წინამდებარე წესის დარღვევა გამოიწვევს დისციპლინარული პასუხისმგებლობის შემდეგ სახეებს:

ა) შენიშვნა;

ბ) ჯარიმა 20 ლარის ოდენობით (შენიშნიდან 4 თვის განმავლობაში სამართალდარღვევის განმეორებით ჩადენის შემთხვევაში);

გ) ჯარიმა 40 ლარის ოდენობით ( 20 ლარით დაჯარიმებიდან 4 თვის განმავლობაში სამართალდარღვევის განმეორებით ჩადენის შემთხვევაში);

დ) გაფრთხილება ( 40 ლარით დაჯარიმებიდან 4 თვის განმავლობაში სამართალდარღვევის განმეორებით ჩადენის შემთხვევაში);

ე) სტუდენტის სტატუსის შეწყვეტა ( გაფრთხილებიდან 4 თვის განმავლობაში სამართალდარღვევის განმეორებით ჩადენის შემთხვევაში);

2. დაჯარიმების შესახებ აქტის აღსრულება მოხდება ამ მუხლის სუბიექტთა ( გარდა ბსუ-ს ტერიტორიაზე შემომსვლელი სხვა პირებისა) მიერ გადახდილი სწავლის საფასურიდან შესაბამისი საჯარიმო თანხის დაქვითვით.

3. ბსუ-ს ტერიტორიაზე შემომსვლელი სხვა პირების მიერ წინამდებარე წესის დარღვევის შემთხვევაში ბსუ-ში ამ წესის შესრულებაზე კონტროლის განმახორციელებელი პირი/პირები ვალდებული არიან სამართალდამრღვევს მოუწოდონ სამართალდარღვევის შეწყვეტისკენ და გააფრთხილონ საპატრულო პოლიციის შესაძლო გამოძახების შესახებ . სამართალდამრღვევის მხრიდან სამართალდარღვევის კვლავ გაგრძელების შემთხვევაში ზემოთაღნიშნული პირები ვალდებული არიან დაუყოვნებლივ გამოიძახონ საპატრულო პოლიცია.

#### მუხლი 5.

ფინანსური დავალიანების მქონე სტუდენტი, პროფესიული საგანმანათლებლო პროგრამის სტუდენტი და უნივერსიტეტის მოკლევადიანი საგანმანათლებლო პროგრამების მსმენელი არ დაიშვება კოლოკვიუმზე, შუალედურ/დასკვნით გამოცდაზე, რომელზე კონტროლიც ეკისრებათ შესაბამის ფაკულტეტებს და საგამოცდო ცენტრს .

#### მუხლი 6.

სამართალდამრღვევი რომელზედაც შესაძლებელია გავრცელდეს როგორც ამ წესის მე-3 , ისე მე-4 მუხლის რეგულაციები პასუხს აგებს მე-3 მუხლის შესაბამისად.

#### მუხლი 7.

სამართალდამრღვევის მიერ აღნიშნული წესის დარღვევის გამო შესაბამისი სახელმწიფო ორგანოს/დაწესებულების მიერ ბსუ-ს მიმართ საჯარიმო სანქციის გამოყენების შემთხვევაში ზიანის ანაზღაურება ეკისრება შესაბამის სამართალდამრღვევს, რომლის აღსრულებაც მოხდება სამართალდამრღვევის ხელფასიდან ან სწავლის საფასურიდან ან სხვა ქონებიდან საქართველოს კანონმდებლობის შესაბამისად;



## მუხლი 8.

1. წინამდებარე წესის შესრულების კონტროლს ახორციელებს ბსუ-ს ფაკულტეტის დეკანები, სამეცნიერო კვლევითი ინსტიტუტის ხელმძღვანელები, ბსუ-ს დაცვის სამსახური, ხოლო ბსუ-ს სტრუქტურულ ერთეულის ოფისებში/კაბინეტებში სტრუქტურული ერთეულის ხელმძღვანელები.
2. ამ წესის დარღვევის ფაქტზე სამართალდარღვევის ოქმს ადგენენ ბსუ-ს ფაკულტეტის დეკანები, ინსტიტუტის ხელმძღვანელები, ბსუ-ს დაცვის სამსახური, ხოლო ბსუ-ს სტრუქტურულ ერთეულის ხელმძღვანელის მიერ სავარაუდო სამართალდარღვევის გამოვლენისას, აღნიშნული პირი სამართალდარღვევის ოქმის შედგენის მაგივრად ამ წესით განსაზღვრული შემდგომი რეაგირების მიზნით მომხდარი ფაქტის შესახებ ატყობინებს ბსუ-ს დაცვის სამსახურს .
3. სამართალდარღვევის ოქმში უნდა მითითოს დამრღვევი პირის ვინაობა, სამართალდარღვევის თარიღი და დრო , სამართალდარღვევის არსი და ამ წესის შესაბამისი მუხლი რომელიც დაირღვა, სხვა მნიშვნელოვანი ფაქტობრივი გარემოებები და ოქმის შემდგენი პირის ვინაობა. შესაძლებელია ოქმის შედგენის მაგივრად ადმინისტრაციის ხელმძღვანელის სახელზე დაიწეროს მოხსენებით ბარათი თუკი სამართალდარღვევა დაფიქსირებულია ვიდეო სამეთვალყურეო სისტემის საშუალებით, სადაც მითითება ვიდეო სამეთვალყურეო სისტემის საშუალებით განხორციელებული იმ ვიდეო ჩანაწერის ზუსტი დრო და თარიღი რომელზედაც ასახულია სამართალდარღვევა.
4. ამ მუხლით ოქმის/მოხსენებითი ბარათის შედგენაზე უფლებამოსილ პირს სამართალდამრღვევის ვინაობის დასადგენად შეუძლია ნებისმიერ სამართალდამრღვევს მოთხოვოს მაიდენტიფიცირებელი დოკუმენტის წარდგენა ( დოკუმენტის წარუდგენლობის შემთხვევაში მოითხოვოს მისგან სახელის, გვარის და სტატუსის , საცხოვრებელი ადგილის დასახელება და გადამოწმებამდე მოთხოვოს მას ადგილზე დარჩენა). წინააღმდეგ შემთხვევაში იძახებს ბსუ-ს დაცვის სამსახურის თანამშრომლებს (სამართალდამრღვევის ადგილზე დროებით დასაკავებლად საპატრულო პოლიციის მოვლამდე ) და საპატრულო პოლიციას შემდგომი რეაგირების მიზნით.

## მუხლი 9.

1. წინამდებარე წესის შესრულების კონტროლის განმახორციელებელი პირი/პირები მე-8 მუხლით განსაზღვრულ ოქმს/მოხსენებით ბარათს სამართალდარღვევის გამოვლენიდან 2 დღის ვადაში შემდგომი რეაგირების მიზნით გადასცემენ ბსუ-ს ადმინისტრაციის ხელმძღვანელს, რომელიც ოქმს/მოხსენებით ბარათის გადაცემიდან 5 დღის ვადაში იღებს ამ წესის დარღვევისთვის გათვალისწინებული შესაბამისი დისციპლინარული პასუხისმგებლობის ზომის გამოყენების შესახებ გადაწყვეტილებას ამავე წესით განსაზღვრულ ფარგლებში და მიღებულ გადაწყვეტილებას აღსრულებისთვის 24 საათის განმავლობაში უგზავნის მას ბსუ-ს შესაბამის სამსახურს/ებს.
2. სამართალდამრღვევისათვის დაკისრებული ჯარიმის აღსრულებას მისთვის ხელფასიდან ან/და გადახდილი სწავლის საფასურიდან დაქვითვას/ჩამოჭრას ადმინისტრაციის ხელმძღვანელის დავალებით გადაწყვეტილების გამოტანიდან 48 საათში ახორციელებს ბსუ-ს შესაბამისი სამსახური

**მუხლი 10 .**

ადმინისტრაციის ხელმძღვანელის ინდივიდუალური სამართლებრივი აქტი შენიშვნის/ხელფასის დაქვითვის/ჯარიმის დაკისრების შესახებ სამართალდამრღვევის მიერ შეიძლება გასაჩივრდეს ბათუმის საქალაქო სასამართლოში შემდეგ მისამართზე : ქ. ბათუმი , სტეფანე ზუბალაშვილის ქ. № 30 მისთვის აქტის ჩაბარებიდან ან სხვაგვარად შეტყობინებიდან (მათ შორის ელექტრონული ფოსტით ან/და ბსუ-ს სტუდენტური პორტალის მეშვეობით) 1 თვის ვადაში.

**მუხლი 11.**

აღნიშული წესი ძალაში შევიდეს 2018 წლის 1 მაისიდან